

ZAKON
O IZMJENAMA I DOPUNAMA ZAKONA
O SUDOVIMA

Član 1.

U Zakonu o sudovima Hercegovačko-neretvanskog kantona ("Službene novine Hercegovačko-neretvanskog kantona", broj 6/00) član 49. stav 3. mijenja se i glasi:

"Sudska vijeća koja presuđuju u konkretnom slučaju mogu odstupiti od pravnog shvatanja koje je usvojilo sudsko odjeljenje".

Član 2.

U članu 49. stav 4. i 5. se brišu.

Član 3.

Iza člana 125. dodaje se novi član 125. a. koji glasi:

"Odredbe člana 32. stav 4. tačka f. ne primjenjuje se na općinske sudove u Gradu Mostaru.

Sud za Centralnu zonu Grada Mostara vodi zemljišne knjige i rješava zemljišno-knjižne predmete za područje općinskih sudova Mostara i Suda za Centralnu zonu Grada Mostara".

Član 4.

Ovaj Zakon stupa na snagu osmog dana od dana objavljivanja u "Službenim novinama Hercegovačko-neretvanskog kantona".

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA

Broj: 02 - 01 - XII - 113/00
Mostar, 27. jula 2000. godine

PREDSJEDNIK
Omer Macić, dipl. ecc. s.r.

75.

Na osnovu člana 2. i člana 7. Zakona o raseljenim licima – prognanicima i izbjeglicama – povratnicima u Federaciji Bosne i Hercegovine ("Službene novine FBiH", broj: 19/2000) i na osnovu člana 18. stav 1. Zakona o Vladi Hercegovačko-neretvanskog kantona ("Sl. novine Hercegovačko-neretvanskog kantona", broj: 2/98), Vlada Hercegovačko-neretvanskog kantona na svojoj 22. sjednici održanoj 25.07.2000. godine donijela je

U R E D B U

O NADLEŽNOSTI I POSTUPKU
PRIZNAVANJA STATUSA U PRVOM
STEPENU RASELJENIM LICIMA –
PROGNANICIMA, IZBJEGLICAMA –
POVRATNICIMA ZA TERITORIJU
HERCEGOVAČKO-NERETVANSKOG
KANTONA

I - OSNOVNE ODREDBE

Član 1.

Ovom Uredbom uređuje se postupak ostvarivanja i priznavanja prava i obaveza raseljenih lica – prognanika, izbjeglica – povratnika za teritoriju Hercegovačko-neretvanskog kantona (u daljem tekstu: Kanton), podnošenje zahtjeva za sticanje statusa, nadležan organ za izdavanje rješenja o priznavanju i prestanku statusa i izdavanje legitimacije – iskaznice.

Član 2.

Raseljenim licem – prognanikom, izbjeglicom – povratnikom i interno raseljenim licem smatraju se sva lica koja ispunjavaju uslove za priznavanje statusa u skladu sa Zakonom o izbjeglicama iz BiH i raseljenim licima u BiH ("Službeni glasnik BiH", broj: 23/99), (u daljem